



**Inatsisartuni ilaasortaq Jens Napâtôk', Partii Naleraq  
Maani/**

**§ 37 naapertorlugu apeqqutip nr. 090-ip akineqarnera**

Inatsisartut suleriaasianni § 37, imm. 1 malillugu immikkut akuersissuteqarneq inuussutissarsiutigalugu piniartunut qanoq atuutissanersoq pillugu § 37 naapertorlugu Naalakkersuisunut apeqqutigineqartup nr. 044-p akineqarnerani immikkut akuersissuteqarnissamut tunngatillugu Naalakkersuisunut apeqquteqarsimavutit. Apeqqutit suliassa qarfigisannit akineqartussanngorlugit innersuunneqarput.

Tulliuttut apeqqutinut nassiunneqarsimasunut akissutaapput:

- 1. Naalakkersuisut apeqquteqaammut akissuteqarnerminni nr. 044-mut oqaatigaat immikkut akuersissut 1. september 2018-imiik 31. december 2019-imut atuuttussaasoq, uumasut neqaat inuussutissarsiutigalugu piniartunit taamaallaat pisarineqarsimasut tunisisinnaasut. Immikkut akuersissut Ittoqqortoormiit eqqaani, Qaanaap eqqaani, Siggummi, Naternami, Kangerlussuarmi aamma Ivittuut eqqaanni inuussutissarsiutigalugu piniartunit umimmaat neqaannik pisanik tunisisinnaaneq inuussutissarsiutigalugu piniartunut aamma atuutissava?**

Akissut:

Immikkut akuersissuteqarnissamut periarfissaq inuussutissarsiutigalugu piniartunut atuuppoq, taamaalillunilu piniagassat angisuut pisarineqartut neqaat misisuiffigineqartussaanaatik. Suliffeqarfiit inuussutissaleriffiusut pillugit Namminer-sornerullutik Oqartussat nalunaarutaanni nr. 21, 27. juli 1998-imeersumi § 32, imm. 2 aamma 3 malillugu piffissami 1. september 2018-imiit 2019-ip naanisaata tungaanut immikkut akuersissuteqarnermi piniakkat angisuut neqaat misisuiffigineqartariaarupput, inuussutissaleriffinnullu, soorlu ulluinnarni pisiniarfinni piniakkanik angisuunik pisisinnaasutut akuerisani, tunineqarsinnaalerlutik. Tamatuma saniatigut piniakkat kalaalimineerniarfinni kommuninit akuerisani aamma tuniniarneqarsinnaajuassapput, matumani piniartoq atuisutut nalunaarsorsimappat, kalaalimineerniarfinnullu piunasaqaatit atuuttut naammassisimassappagit.

Piniarnissamut piffissaliussat aalajangersarneqartut piunasaqaatillu atuuttut erseqqissaatigineqassapput.

Ulloq: 21-02-2019  
Suliap normua: 2019 - 4124  
All. nr. 9896075

Postboks 269  
3900 Nuuk  
Oqarasuaat (+299) 34 50 00  
Fax (+299) 34 63 55  
E-mail: apn@nanoq.gl  
www.naalakkersuisut.gl

Ukiuunerani 2019-imi umimmaaat inuussutissarsiutigalugu piniartunit pinia-  
rneqarsinnaapput, tamannalu malillugu aqutsiveqarfiit tamarmik ukiuunerani pi-  
niarfiussanngillat, tamannami apeqqummi kukkusumik allaatigineqarsimammat.

<b>Ukiuunerani inuussutissarsiutigalugu piniartut umimmanniarsinnaanerit - 2019-imi Ukiuunerani</b>		
<b>Aqutsiveqarfik</b>	<b>Pisassiis- sutit</b>	<b>Piffissat piniarfiusinnaasut</b>
Qaanaaq	100-nit sin- neruttut	1. Januar – 15. April
Maniitsoq	Ammavoq	25. Januar – 15. Februar
Ittoqqortoormiit	60	1. Marts – 31. Marts

Tamatuma saniatigut inuussutissarsiutigalugu piniartut 2019-imi Ukiuunerani  
tuttunniarsinnaatitaapput:

<b>Inuussutissarsiutigalugu piniartut tututassaat - 2019-imi Ukiuunerani</b>		
<b>Piniarfissaq</b>	<b>Pisassiissutit</b>	<b>Piffissat piniarfiusinnaasut</b>
Avannarliit	86-iusunit sin- neruttut	1. Januar – 30. April
Prudhoe Land	86-iusunit sin- neruttut	
Olrik Fjord	Killeqanngillat	
Nuussuaq	100	1. Februar – 15. Februar
Naternaq	100	
Sisimiut-Kangerlus- suaq	200	
Akia-Maniitsoq	200	
Ameralik	100	
Qeqertarsuatsiaat	100	
Qassit	100	
Neria	100	

Kiisalu 2019-imi Ukiuunerani pingaarnermik Kangerlussuup eqqaani umimman-  
nut tammajuitsussanik piffissami 1. marts - 10. april kisianni aamma Naternami  
piffissami 15. februar - 10. april piniartoqassaaq.

Inussiarnersumik inuulluaqqusillunga



Nikkulaat Jeremiassen

Aalisarnermut, Piniarnermut Nunalerinermullu Naalakkersuisoq



Inatsisartut suleriaasianni § 37 imm.1. naapertorlugu Naalackersuisut apeqqut imaattoq matumuuna saqqummiuppara:

**Naalackersuisut apeqqut:**

- 1. Naalackersuisut apeqquteqaammut akissuteqarnerminni nr. 044-mut oqaatigaat immikkut akuersissut 1. september 2018-imiik 31. december 2019-imut atuuttussaasoq, uumasut neqaat inuussutissarsiutigalugu piniartunit taamaallaat pisarineqarsimasut tunisisinnaasut. Immikkut akuersissut Ittoqqortoormiit eqqaani, Qaanaap eqqaani, Siggummi, Naternami, Kangerlussuarmi aamma Ivittuut eqqaanni inuussutissarsiutigalugu piniartunit umimmaat neqaannik pisanik tunisisinnaaneq inuussutissarsiutigalugu piniartunut aamma atuutissava?**

(Inatsisartunut ilaasortaq, Jens Napātôk', Partii Naleraq)

**Tunngavilersuut:**

Kalaallit Nunaanni umimmaqarfiit eqqarsaatigalugit Ehta (Inglefield Bredning), Kangaarsuk (Kap Athol), Sigguk (Svartenhuk), Naternaq (Lersletten), Sisimiut eqqaani, Maniitsup eqqaani, Ivittuut aamma Ittoqqortoormiit, (Jameson Land, Hurryfjord, Liverpool Land, Sydkap, Gurreholm, Rypefjord, Fønfyord qaqutikkullu Gåsefyord) ukiakkut aamma upernaakkut umimmaat inuussutissarsiutigalugu piniartunit aamma saniatigooralugu pinialuttartunit piniarfigineqartarput.

Umimmaqarfinni taaneqartuni inuussutissarsiutigalugu piniartunit pisaminnik tunisaqarsinnaanerit paasissallugu pingaaruteqarpoq. Inuussutissarsiutigalugu piniartut piniakkanik allanik piniarnerminni tapertarisaramikkit.

Apeqqut ullut suliffiit qulit iluani akineqarnissaa kissaatigaara

**Inatsisartunut ilaasortaq Jens Napātôk'**

Imaneq 1, Postboks 4120, 3900 Nuuk, E-mail.: [jnaap@inatsisartut.gl](mailto:jnaap@inatsisartut.gl) Nittartagaq.: [www.partiinalleraq.gl](http://www.partiinalleraq.gl)  
Oqarasuaatit.: +299 34 50 00 Toqqaannartoq.: +299 34 62 Angallattagaq.: +299 258866